

傷寒懸解卷四

昌邑黃元御坤載著

長沙徐樹銘校

太陽經中篇 五十六章

太陽壞病

太陽風寒有正治之法桂枝麻黃是也陽偏盛者恐異日
之入陽明則有大青龍白虎湯早清其燥熱陰偏勝者恐
異日之入三陰則有小青龍五苓散預去其溼寒處治不
差病在太陽一經自當應藥而解不成壞病醫不知此實
其實而虛其虛若汗若吐若下若溫鍼補瀉異施遂成壞
病非復太陽本色矣壞病者卽後日之陽明與三陰也陽
盛而泄其陰則入陽明陰盛而亡其陽則入三陰桂枝麻
黃之證變爲亢陽孤陰是以曰壞至於陽明俟其府熱內



傷寒懸解卷四

昌邑黃元御坤載著

長沙徐樹銘校

太陽經中篇 五十六章

太陽壞病

太陽風寒有正治之法桂枝麻黃是也陽偏盛者恐異日
之入陽明則有大青龍白虎湯早清其燥熱陰偏勝者恐
異日之入三陰則有小青龍五苓散預去其溼寒處治不
差病在太陽一經自當應藥而解不成壞病醫不知此實
其實而虛其虛若汗若吐若下若溫鍼補瀉異施遂成壞
病非復太陽本色矣壞病者卽後日之陽明與三陰也陽
盛而泄其陰則入陽明陰盛而亡其陽則入三陰桂枝麻
黃之證變爲亢陽孤陰是以曰壞至於陽明俟其府熱內



實一下而愈猶爲逆中之順然而府邪傷陰失於急下亦
伏死機則順中之逆正自不少若夫三陰陰盛陽負動搖
危亡則逆居強半而順不十三仲景於是有救逆之法隨
證處治轉逆爲從元通微妙良工苦心矣

太陽壞病提綱一 太陽五十四

桂枝麻黃太陽風寒主方也若至三日之久正將入陽明
太陰之期業經汗下溫鍼而病仍不解則事當大壞未必
猶在太陽卽太陽未罷而亦未必尙屬太陽桂麻之證是
宜審觀脈證另立新法故總立壞病之綱詳開救逆之門
也

太陽病三日已發汗若吐若下若溫鍼仍不解者此爲壞病
桂枝不中與也觀其脈證知犯何逆隨證治之

太陽病治之得法當解於本經不至入府傳藏而成壞病
若至三日之久已經發汗吐下溫鍼諸治而病不解則不
在太陽定緣誤治入別經而成壞病當觀其脈證知其所
犯何逆隨證治之曰壞病者非太陽之本病故也

壞病提綱二 太陽五十五

本發汗而復下之此爲逆也若先發汗治不爲逆先本下之
而復汗之爲逆若先下之治不爲逆

申明上章逆字之義風寒外閉宜辛溫發散而不宜下燥
熱內結宜苦寒攻下而不宜汗若表邪未解裏邪復盛則
宜先汗而後下若裏邪急迫表邪輕微則宜先下而後汗
錯則成逆矣若治法得宜先後不失不爲逆也

太陽壞病入陽明去路 十五章

陽明從燥金化氣陽旺之人表鬱則燥動然不經誤治津液未耗燥氣之作何至遽盛及其汗下溫鍼傷津亡液燥氣大發經府合邪乃成下證雖不如三陰之險然陰虛陽亢亦伏危機未可率然也

太陽壞病入陽明桂枝證一 太陽五十六

太陽病先發汗不解而復下之脈浮者不愈浮爲在外而反下之故令不愈今脈浮故知在外當須解外則愈桂枝湯主之

方在太陽五

太陽病先發汗不解而復下之設內有府熱則下之當愈若使脈浮則表邪未解必不能愈以浮爲邪在表遺其外邪而反下之故令不愈當須解外則愈宜主桂枝也 此太陽表證未罷而內有府證固當下也然必外解而後可



下若發汗未解而遽下之設脈猶見浮則外必不愈故傷
以桂枝解外

發汗亡津證二 太陽五十七

大下之後復發汗小便不利者亡津液故也勿治之得小
利必自愈

膀胱者州都之官津液藏焉氣化則能出矣土溼金鬱氣
不化水土溼木鬱不能行水皆令小便不利小青龍五苓
散證之小便不利悉緣土溼而水停則小便之不利必因
溼旺若汗下之後而見小便之不利是津液亡泄燥而非
溼也然別無熱渴之證則其燥未甚勿用治之俟其津液
續復得小便一切必自愈也汗下之後小便不利陽虛之
人則陽亡而病溼陰虛之人則陰亡而傷燥此不見陽亡



溼動之證故知是亡津傷燥也此亦人參白虎證而燥熱未作則病勢最輕故不須治之

麻杏甘草證三 太陽五十八

發汗後不可更行桂枝湯若汗出而喘無大熱者可與麻杏杏仁甘草石膏湯主之

汗後表寒未解鬱其肺氣熱蒸皮毛竅開而不能透泄故汗出而喘表得汗泄故外無大熱麻黃發表杏仁降逆石膏清金甘草培土則表裏俱解矣此亦大青龍證之輕者以在汗後故不用青龍汗後不可行桂枝亦大概言之他如發汗已解半日許復煩可更發汗宜桂枝湯未嘗必禁桂枝也

麻黃杏仁甘草石膏湯 十七

麻黃四兩杏仁五十枚甘草二兩石膏半斤碎

右四味以水七升先煮麻黃減二升去上沫內諸藥

二升去滓溫服一升

汗後作喘證四太陽五十九

發汗後飲水多者必喘以水灌之亦喘

推原上章喘字之義汗出亡津液燥渴飲水飲水太多而

汗後陽虛不能消散水停則肺氣壅遏故必喘以水灌之

皮毛外閉肺氣鬱阻故亦喘也

麻杏甘石證五太陽六十

下後不可更行桂枝湯若汗出而喘無大熱者可與麻黃杏

仁甘草石膏主之

下後表寒未解鬱其肺氣肺鬱生熱蒸發皮毛而不能透



泄故汗出而喘表寒裏熱宜麻杏甘石雙解之可也

下後不可行桂枝亦大概言之他如傷寒醫下之續得下

利清穀章救表宜桂枝湯又傷寒大下後復汗心下痞

解表宜桂枝湯太陽病先發汗不解而復下之脈浮者

愈章當須解外則愈桂枝湯主之未嘗必禁桂枝也

人參白虎證六

太陽六十一

服桂枝湯大汗出後大煩渴不解脈洪大者白虎加人參湯

主之

方在太陽
三十九

服桂枝湯後汗出表解而津液亡泄裏熱則增是宜白虎

清裏而大汗之後大作煩渴而脈又洪大是亡津而氣亦

泄也津由氣化靈樞決氣上焦開發宣五穀味薰膚充身

澤毛若霧露之溉是爲氣此當益氣以生津故加人參素

問評熱論脈燥疾不爲汗衰者死以精氣消亡無以滲漉其枯燥也白虎而加人參使清氣降灑化而爲露滋潤使涸滌洗煩燥莫善於此矣

人參白虎證七 太陽六十二

傷寒若吐若下後七八日不解熱結在裏表裏俱熱時時惡風大渴舌上乾燥而煩欲飲水數升者白虎加人參湯主之方在太陽三十九

吐下之後氣奪津傷七八日不解燥熱內盛而自裏達表表裏俱熱熱蒸竅泄時時惡風舌上乾燥而心內焦煩欲飲水數升之多主以人參白虎清金而泄熱化氣而生津也

表裏俱虛證八 太陽六十三



傷寒集解 卷四
太陽病先下之而不愈因復發汗以此表裏俱虛其人因致
冒冒家汗出則自愈所以然者汗出表和故也得裏未和
後下之

太陽病先下之而不愈傷其陰液因復發汗傷其陽津表
陽裏陰以此俱虛表陽虛則陰氣外束裏陰虛則陽氣內
鬱陽氣內鬱而不外達其人因致昏冒冒家汗出則自愈
所以然者汗出則衛氣外達經脈和暢陰退而陽宣也表
和之後得裏未和然後下之

調胃承氣證九 太陽六十四

發汗後惡寒者虛故也不惡寒反惡熱者實也當和胃氣與

調胃承氣湯

方在陽明二十

陽虛之人汗則亡陽陰虛之人汗則亡陰汗後惡寒者氣

泄而陽虛故也故防入少陰不惡寒反惡熱者津傷而陽實故也是已入陽明將成大承氣證宜早以調胃承氣其胃氣預奪其實也

陰陽俱虛證十 太陽六十五

太陽病中風以火劫發汗邪風被火熱血氣流溢失其常度兩陽相薰灼其身發黃陽盛則欲衄陰虛則小便難陰陽俱虛竭身體則枯燥但頭汗出劑頸而還腹滿微喘口乾咽爛或不大便久則譫語甚者至噦手足躁擾捻衣摸牀小便利者其人可治

太陽中風以火劫發汗邪風一被火熱血氣流溢而失其常度外劫之火與內鬱之陽兩相薰灼其身發黃上之陽盛則欲衄下之陰虛則小便難陰液陽津俱至虛竭身體



則枯燥不潤陽氣上燔但頭汗出際頸而還裏氣贖鬱而
爲脹滿肺氣壅阻而爲微喘火炎於上口乾而咽爛其地
或不大便久則衛鬱莫泄濁氣薰心而爲譫語甚者胃氣
衝逆而爲嘔噦或手足躁擾捻衣摸牀凡此諸證總
裏壅遏熱無泄路故鬱悶懊憹煩亂如是宜以辛涼之藥
雙泄表裏若小便利者是陰氣未絕其人可治也 此證
溼熱鬱蒸宜以麻黃石膏泄其表熱大黃芒硝泄其裏熱
半夏生薑降其逆豬苓滑石滲其溼表裏雙清則神氣慧
爽矣

火熱入胃證十一 太陽六十六

太陽病二日反躁反熨其背而大汗出火熱入胃胃中水竭
躁煩必發譫語十餘日振慄自下利者此爲欲解也故其汗

從腰以下不得汗欲小便不得反嘔欲失溲足下惡風大便
鞭小便當數而反不數及大便已頭卓然而痛其人足
熱穀氣下流故也

太陽病皮毛被感表鬱爲熱內尙無熱俟其表熱傳胃日
久失清乃見煩躁今二日之內方入陽明不應躁而反躁
其胃陽素盛可知乃不用清涼反熨其背而大汗出火炎
就燥邪熱入胃胃中水竭乃生煩躁燥熱薰心必發譫語
若十餘日後微陰內復忽振慄而自下利則胃熱下泄此
爲欲解也方其熨背取汗火熱蒸騰上雖熱而下則寒故
從腰以下絕無汗意外寒鬱其內熱故膀胱閉澀欲小便
而不得陽氣升泄不根於水膀胱無約時欲失溲如此則
小便當數而反不數者津液枯也水枯則大便乾鞭便乾



腸結胃熱不得下達故氣逆作嘔火熱上逆故足下逆冷而惡風寒及振慄下利大便已行則穀氣宣暢四達而火從上散足熱而陽從下達胃中燥熱解散無餘熱氣以便通而下流故也便通而頭痛者如鑪底壅塞不升一通則火即上炎也

火邪圍血證十二

太陽六十七

太陽病以火薰之不得汗其人必躁到經不解必清血名爲

火邪

清與
圍同

太陽病當以汗解乃以火薰之又不得汗內熱愈增其人必躁到經盡之期當解而不解熱傷血分必當圍血此名火邪也

火逆助邪證十三

太陽六十八

脈浮宜以汗解用火灸之邪無從出因火而盛病從腰以下必重而痺名火逆也

脈浮宜以汗解乃用火灸之邪無從出因外火而更盛病從腰以下必重濁而痺塞此名火逆

火逆吐血證十四

太陽六十九

脈浮熱甚反灸之此爲實實以虛治因火而動故咽燥吐血脈浮熱甚當汗之以泄其熱反灸之此爲實證實證而用灸是實以虛治也內之實熱因外火而大動必傷陰氣故咽燥而吐血

火邪內攻證十五

太陽七十

微數之脈慎不可灸因火爲邪則爲煩逆追虛逐實血散脈中火氣雖微內攻有力焦骨傷筋血難復也

微數之脈營血虛虧慎不可灸誤灸而因火爲邪則爲原躁而氣逆追陰氣之已虛逐陽火之原實因令血散腹中耗亡失守一灸之火雖微而其煎熬內攻則甚有力傷骨傷筋日就枯槁營血消燦終難復舊也

太陽壞病入太陰去路 二十一章

太陰以溼土主令陰盛之人病在太陽表鬱則溼動然不經誤治則胃陽未虧溼氣之作猶俟漸成及夫汗下溫鍼陽亡陰旺溼邪勃興土敗水侮危證疊出防微杜漸之法不可不亟講也

太陽壞病入太陰五苓散證一 太陽七十一

太陽病發汗後大汗出胃中乾躁煩不得眠欲得飲水者少少與之令胃氣和則愈

此太陽入陽明去路將成白虎證者若脈浮小便不利

